

西湖遊記

尹伸

四湖之勝曠者水也秀者山也幽者林逕奧者巖洞溪壑也有告我遊者曰湖遊可一日盡湖上諸山浹旬不能殫也嗟乎遊人之覲面失此湖也久矣今夫山骨於石縛於林靈於水林之變僅在四時而口無變也耳浮於目目浮於足山始擅其奧身之所到而山無與矣大凡峰翠巖光目入常有餘身入嘗不足登南峰但知北峰之美登北峰亦然然則山可三數日盡也物之善變者莫如水雲烟所生峰壑取姿焉故朝暮之變晴雨之變四時之變人之所善於湖者同而朝朝暮暮晴雨雨春春夏夏秋秋冬冬之各有變恐非簫鼓樓船者所易會也由此言

道藏輯要

天下名山記  
浙江西湖尹

七

軫集二

之湖雖累月彌稔不能殫而云盡之一日乎余武林之遊凡四十有五曰西溪橫山龍潭雲棲五日了之南北諸峰江上諸剎吳山端石四日了之餘日飲食起居都寄金牛波面早則辰已晚則申未遊人將散而棹方勤酒樓無烟栖鳥無聲而棹始返人所頻到我亦時到者錦塘孤山也湖山亭淨慈寺也人所不到而我所獨到者南之普度菴西之裏六橋徐氏村也最近莫如寶石人多其纍纍吾病其輪頽每西吾舟以顧之排者欲頽者銳勢遂適上而執此以准諸山背面橫側之勢大率如此此吾形勢遊也青翰靈鷲樓軒相接絲肉駢闐聲容競作閨花語影紅粉歌塵終日衍衍於風烟而了不相涉人喧亦喧人艷亦

艷此吾賓主遊也長景初晴人天俱霽舟無小大友無新故程  
無遠近意之所到草木生香鳥慧魚靈都來親狎棹疲而步步  
疲復棹至於山嶂紅輪波嬌嫩碧氣以淨而生妍光因治而反  
澹人物爲光氣所轉作止都不自任欲去不去但喚奈何雖情  
之所鍾于世頗遠眷此雀室甯非迷樓若乃梅時多雨飄風終  
日湖始波波始聲水情始活遊情始壯綺羅簫管始匿漁蓑蓑  
筏始見此湖始專爲吾輩所有而湖上諸峰出沒於鬢雲冷烟  
之中偏全奇正莫可端倪其他市肆僧籃歌樓舞榭柳堤竹嶼  
塔影橋虹亦爲烟水所轉搖曳模糊別開生面又或雨而或霽  
霽而復陰向之所謂糝糊搖曳者復變而明曠蕭遠一日之間

道藏輯要

天下名山記  
浙江西湖尹

美

軫集二

蓋不知幾春秋幾朝暮矣然猶以爲漁火村燈終不及金波一  
照乃期之白分者苦爲風雨所妬期之黑分者光力未滿人懷  
猶幸殿遊及於將望是夕也千里無雲萬靈都寂復得宋獻孺  
馬肩五載酒相呼便從斷橋步至西陵忽聞一絲清嘯疑在雲  
上少焉一葉西來蓋數人卧而嗚嗚相唱和也俄頃失之頗爲  
悵惋獻孺云此時安得紫衣數輩爲落葉哀蟬之曲一問結  
璘之宮已又云安得蒼髯鐵笛橫查飛來作裂石穿雲之響一  
艷一仙片晌殊懷都有餘恨夜久骨髮知寒徘徊不能去數點  
漁舟穿橋出入因坐橋頭各浮數白以酬之環顧三面之山近  
高者卑大者小翠者白都爲琉璃光明所奪矣如此湖光



水上人家盡掩扉臥而湖山下居亦止三姓南有虞葛俱名族  
西止徐氏一田舍穩臥於長林茂蔭者已二百餘年仙書所謂  
閒亭外舍此似近之此外園亭亦常下鑰卽黃真父之寓林身  
後已鞠爲茂草矣湖山之緣未易哉吾遊始於甲戌三月廿九  
日終於五月十二日常同者陳仲雍鄧爾珍屢同者胡仲修顧  
山臣吳巽之間同者汪然明張卿子馮雲將陳則梁吳今生譚  
遠韻殿而同者宋獻孺馬眉五皆崇禎七年也

道藏輯要

天下名山記  
浙江西湖尹

彙

卷之三

軫集二